

Ph




59360

kal.komp.



Mag. St. Dr.

Carmat. discalant. Can. Prae. Ver novum iuris exa-
cti Staggvithi cursus laurais amoenum
— publicis Theatris salutatam.



JESVS. MARIA.
VER NOVUM,

Veris exacti Stagyratici Cursûs laureis

A M Æ N V M.

IN CARMELI VERTICE,
âd Immaculatum Liliî inter spinas candorem,



SUB AUSPICIIS

A. R. P. N. O.

PROVINCIALIS,

PROVINCIAE SANCTI SPIRITVS

per Poloniam & M. D. Lithuaniae

NOVITER ELECTI:

NEC NON

RR.PP.NN.CAPITVLARIVM,

IN CONVENTU NOVITIATUS IMMACU-
LATÆ VIRGINIS CONGREGATORUM,

Publicis Thesibus

à FF. Carmelitis Eiusdem Ordinis

Studij Philosoph: Cracoviën:

SALVTATVM.

Anno Salutati inter brumam peccati Divini Veris,
1694. Die 2. Maij.

*Defendentur publicè in Conventu Cracoviensi Carmelitarum
Discalceatorum, Horis pomeridianis.* *h.*

CRACOVIAE, TYPIS VNIVERSITATIS.



SÆcula florigero non desperentur ab ævo,
 Sydera CARMELO, dum sociata nitent.
 Signandis quia temporibus sunt addita cælo;
 Ver non immerito, jam denotare queunt.
 Explicat hinc ergo Cedrus cum Palma Virorem;
 Virginis immo etiam Lilia sacra nitent.

ADMODUM REVERENDO
PATRI NOSTRO OBSERVANDISSIMO,
Provinciae Sancti Spiritus
per Poloniam & M. D. Lithuaniae

PROVINCIALI NOVITER ELECTO;

NEC NON

Adm: Reverendis Patribus Nostris Observandissimis,
CAPITVLI PROVINCIALIS
GREMIALIBVS,

Cum Filiali affectu, humilem submissionem.



ER NOVVM, Vestris sub Auspicijs sistimus.
A. R. P. N. Observandissime, Cateriq; PP. NN.
Admodum Reverendi. Alijs Nona Maij, novam
intimaverunt Lunam; Nobis Solem veriùs vel inno-
vaverunt antiquum, vel antiquarunt novum; dum
iam non ab Ariete, sed à Vestrùm presentia Ver Nostrum auspica-
mur. Quanquam nec Agnus deest: ubi inter quæ pascatur, IM-
MACVLATÆ VIRGINIS Lilia offeruntur. Respondit & si-
gno Mensis: Maio licet, Veris ne erraremus in computu; classicis
assuefactus MICHAEL, hisce in ferijs Martium proclamavit.
Certare iam non armis, sed floribus decuit: cum & vicina Manùs
ELIANÆ, rhomphaa, coronas reseverit. Post brumæ frigora,
floruisse Vertex Carmeli debuerat; qui cùm THERESSIANO
incalescat ab igne, totus in amœnitatem resolvitur atq; flores. In-
dixit illi Vester iucundissimus Veris serenitatem conspectus; dumq;
spectandum, Sacer Novitiatus exhibuit, novam amœnitatis seriem
explicavit. Agere novitium, decrepita temporis non tecusavit se-
nectus; Maio feliciter, Nostris in Thesibus innovari presumens;
postquam Mensis huius secundam, vel in Dominica feriam, sibi

iunxit. *Ad florentia VIRGINIS IMMACVLATÆ Lilia, quid non amœnum prœbui potuit? ubi vel ipsa, solitudinis sacra, species ne putaretur inculta; SPECIOSA IN DELICIIS cultum sibi proprium arrogavit. Monstravit pampinantes, suis in hieroglyphicis arbores, ab Originali Immunitas; & his tamen gemmæ deesse ne censerentur turgentes, Vestrũ insuper huc adunata præsencia, prœbuit unionem. Pretiosus hîc Confessũs Vestri decor, nec Nos latere debuit: qui dum MICHAELIS residemus ad libram, novimus illum Filialis submissionis candore, altiũs æstimare. Academi Aquinatici inhabitantes nemora, VERI NOVO debueramus sistere, non habentes, cur Protoparentis ad normam, absconderemur virgultis; quia in transgressionis expertem, IMMACVLATÆ VIRGINIS incidimus paradisum. Ergo flexuoso quam Eurippi alveo, Vestrum benevolentia in portum vehimur; hilarem submissionis revehentes tesseram; quã servos nosceretis. A Peripatetico tantisper deviantes Lyceo, Vestris subsellijs sistimur; amœnum VER testaturi in Thesibus, quod & Calorum serenitas, & Meteororum varietas, & Metaphysicæ persuasit celsitudo. Dabitis tamen sic deviantibus veniam: cùm vel in hoc morem voluimus studiorum attendere; ut ad NOVI VERIS primitias, remissioris animi gratiã ad Vos etiam diverteremus. Imò si reos, Filialis teneritudo tenet Vestras ad plantas provolvimur; non indubium Paterni Affectũs præscolantes candorem, quo accurrentes benivole suscipiatis.*

Vestrarum Reverentiarum,

Humiles Servi & Filij;

FF. Carmelitæ Discalceati Collegij Cracoviensis,
SS. MICHAELIS & IOSEPH, Philosoph: Stud.

CONCLUSIONES PHILOSOPHICÆ,

Ex Libris de Cælo.

I.



Cælum constat formâ & materiâ, diversæ rationis essentialiter, à materia sublunari: estq; Substantia corporea, incorruptibilis, solida, sphaerica, non tamen gravis vel levis; aut animata. Quò ad numerum, Cælus esse Vndecim evincit diversitas motûs: propter quem salvandum, (suppositâ soliditate) dantur in Cælis Excentrici, Concentrici, Epicydi, Deferentes, qui sunt Orbes partiales, contingui, solidi, sicut & Cæli totales.

II.

Cæli quò superiores, eò sunt perfectiores, distinguunturq; realiter à Stellis & alijs Planetis, præter quos habent lucem propriam, licet perfectiorem mutuent à Sole. Omnes item Cæli, excepto Empyreo, moventur motu naturali, & quidem motu primi mobilis, moventur ab oriente in occidentem: motu Cæli crystallini moventur ab occasu in ortum, motu Firmamenti moventur à polis & ad polos mundi: hîc tamen motus non est contrarius, quia non est super eosdem polos.

III.

Planetæ vltra motum Cælorum moventur motibus proprijs; quorum principium activum sunt Angeli, ita tamen quod tali motu nullum concentum efficiant aut sonum. Influunt etiam Planetæ cum Cælis in hæc inferiora, tam per motum, quàm per lucem, & alias qualitates occultas: vnde si cessaret motus Cælorum, cessaret & alteratio inferiorum. Influunt autem indirectè in actûs humanos, qui petunt fieri per organum corporeum, in actûs verò spirituales aut liberos, vt sunt actûs Intellectûs & Voluntatis influunt minimè.

IV.

Cæli non consequuntur necessariò suos effectûs, possunt enim impediri in causando. & ita ex contemplatione illorum possunt certò cognosci futura à solis Cælis dependentia: futura tamen, etiam ab Elementis dependentia tantùm probabiliter, futura autem libera nec probabiliter possunt cognosci.

V.

Cælum Empyreum est corpus lucidissimum, perpetuo quiescens secundum omnes partes solidum, ita supremum, vt supra se nullos imaginabiles aut fictitios hortos, vel alia beatitudini corporeæ servientia contineat. Inluit tamen in hæc inferiora, partim per lucem, partim per qualitates occultas innominatas.

B

Ex Li.

Ex Libris de Meteoris.

I.



Vapor & exhalatio, essentialiter distinguuntur ad invicem; imò & ab Elementis: sunt materia omnium Meteororum à se distinctorum, forma autem Meteororum est forma substantialis cuiq; debita; Agens sunt Caeli; Finis est pulchritudo univèrsi, & alia utilitates. Meteora alia sunt Lucida vt Iris, Halon, Vorago, Hiatus, &c. Alia ignea, vt Cometa, Fulgur, fulmen, columna, fax, draco volans, &c. Alia aquea vt nix, grando, &c. Alia terrea, vt metalla, succi, &c. omnia autem Meteora nascuntur in omnibus elementis excepto igne.

II.

Ignes subterranei fiunt ex accenso sulphure vel bitumine, ab exhalatione agitata. Vix non semper conveniunt in colore ceruleo; non sunt tamen flamma, sed carbo: & licet modici sint, sufficiunt ad calefaciendas ingentes thermas. Ventus non est aer, sed exhalatio, quæ à diversis Orbis partibus procedens, diversa habet nomina. Celebriores tamen sunt venti Cardinales: scilicet Subsolanus, Auster, Zephyrus, Aquilo, ad quos accedunt collaterales.

III.

Terræ motus est ventus terræ visceribus inclusus, qui erumpere volens illam quatit & movet. Eius species sunt diversæ, vt potè Agitationis, subversionis, divisionis, &c. Non est dabilis terræ motus, qui totam terram moveat, licet dabilis sit qui vno & altero anno duret.

IV.

Pluvia est Nubes addensata stillans: ex diversitate vaporis diversum colorem induit, & sic potest esse lactea, sanguinea, &c. aliquando cum sonitu cadit aliquando non; dividitur in Nimbum & Imbrem. Materia fluminum & fontium est aer liquefcens; in cavernis terræ. cum per diversa mineralia fluunt diversam vim acquirunt utilitatis vel nocu-menti & sic aliqui sunt fontes venenosi, aliqui calidi, aliqui certis solum temporibus fluentes, &c.


V.

Fluxus & refluxus maris causatur à Luna: non per solam lucem aut motum, sed etiam per qualitatē occultam impellendo aquas ab una parte terræ ad aliam: salsedo maris causatur ab exhalationibus terreis à Sole mari mixtis. Lapides & terræ insignes fiunt ex exhalatione addensata vaporī mixta penes accommodam distributionem, ita quod pro lapidibus magis addensetur pro terris insignibus non ita. Similiter Metalla & succi concreti fiunt ex vapore exhalationi mixto iuxta eandem accommodationem, vt pro metallis magis densetur quàm pro succis.

Ex Me-

Ex Metaphysica.

I.



Metaphysica est Sapiencia Ordinis naturalis, vna in specie, habens pro obiecto Ens reale abstrahens à Creato & Increato dicens pro ratione quidditativa essentiam, ita quod sit transcendens respectu suorum inferiorum, habeat contradictorium, sitq; Analogum vtrq; analogia. Et licet tale obiectum scilicet Ens sit primum cognitum intellectus nostri cum sit conceptus simpliciter simplex, non tamen habet conceptum vnum communem, præcisum ab inferioribus, sed immediatè significat inferiora.

II.

Ens dividitur in Actum & Potentiam: sub Potentia non continetur Potentia Obiectiva, cum non detur in rerum natura, sicut nec Potentia Resistitiva distincta ab Activa & Passiva. Vnde Potentia vt sic adequatè dividitur in Activam & Passivam. Potentia verò Passiva dividitur adequatè in Naturalem, Violentam, & Obedientialem, quæ in suo conceptu non importat Naturalitatem vel supernaturalitatem, sed tantum rationem Entis participati connotando DEVM vt exlegem.

III.

Ens habet Passiones verè & propriè reales; Res tamen & Aliquid, non sunt rigoreæ passionēs, & sic passionēs Entis rigorosæ sunt tantum tres, Vnum, Verum, Bonum, quæ & convertuntur cum ente. Vnum non addit aliquid positivum supra Ens, sed negationem identitatis cum alio extra se pro formali exprimendo entitatem connotantem dictam negationem. Verum transcendente dicit pro formali respectum ad Intellectum Divinum & Intellectum creatum. Verum autem formale consistit in conformitate conceptus formalis ad conceptum obiectivum. Bonitas non consistit in relatione reali vel rationis, sed in perfectione intrinseca rei exprimente integritatem formalem.

IV.

Essentia est principium aut quasi principium essendi, in substantijs spiritualibus, nullam admittit compositionem Physicam, secus in substantijs materialibus. Essentiæ rerum sunt negativè ab æterno extra DEVM, non positivè, imò nec dicuntur creari vel produci sed concreari.

V.

Principium individuationis substantiæ materialis non est Forma, nec Materia signata quantitate formali, sed vt est signata quantitate virtuali præhabita. Iam verò substantiarum spiritualium est forma vt fundat gradum specificum principium individuationis, sub qua etiam implicat dari plura individua. Accidentium autem principium individuationis est subiectum, in quo atiam repugnat dari duo accidentia solo numero distincta.

VI.

Hypostasis à natura distinguitur realiter in creatis. non addit solam negationem sed etiam aliquid positivum quod non sunt principia individualia, nec aliquid accidens, nec sola connotata extrinseca nec existentia, sed realitas aliqua media terminans naturam & faciens susceptivum ut Quod existentiae. Natura terminata una subsistentia non potest terminari alia, & Persona creata non potest terminare Naturam alienam, potest tamen subsistentia produci à causa secunda principaliter.

VII.

Existentia in creatis est accidens predicabile, non predicamentale: distinguitur realiter ab Essentia, tanquam res à re. Implicat illam dari partialem, estq; perfectior quam Essentia in ratione actus. Existentia accidentis datur distincta ab existentia substantiae estq; probabiliter inhærentia actualis si sumatur pro entitate inexistentium accidentium, non pro modo unionis. Modi dantur in rerum natura, suntq; affectiones ponentes determinationem in rebus.

VIII.

Cum necessario detur aliquod Ens Increatum, quâ tale unum, circa cuius existentiam ignorantia invincibilis dari non potest; summè bonum, perfectum, infinitum, scilicet DEVS Optimus, Maximus, non potest dari processus in infinitum in causis subordinatis; sed omnia ad illum tanquam ad ultimum Agens & Finem reducuntur, quem cum nostræ quoq; Theses attingerint, illi dicatæ sunt.



Lxxiiij

am.
cipia
nec
usce.
po-
alie-
.

ale:
lam
ten-
liter
um.
ecti-

irca
mè
non
d il-
no-

omelitarum Discate. Coll. Car. N. Mich. et Jos.

Ver novum (Conclusiones philosophicas ex libris de
coelo).

Biblioteka Jagiellońska



stdr0010324

